



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CLXI. De Ereptione Provinciæ Italiæ Fratrum Discalceatorum Ord. SS.
Trinitatis Redempt. Captivorum.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

1727.

Causæ præ-
sentis Consti-
tutionis, &
preces Com-
missarii, ac
Procuratoris
Generalis.

§. 4. Cum autem sicut Dilectus Filius Joannes Jacobus a Sancto Adalberto Commissarius, ac Procurator Generalis Congregationis Italiae, & Germaniae ejusdem Ordinis Nobis nuper exposuit, successu temporis quidam inquieti, & ambitiosi Religiosi, eo quia forsitan, quod ad Officia assumpti non fuerint, sub mentita zeli specie contra Superiores suos litigando, & communem pacem dictæ Congregationis turbando eadem Urbani Prædecessoris literas ad alia etiam Officia in illis minime expressa a Congregatione Venerabilium Fratrum nostrorum Sanctæ Romanæ Ecclesiæ Cardinalium negotiis, & consultationibus Episcoporum, & Regularium præposita, extendi procuraverint, & amodo in dies majorem, & majorem literarum extensionem novis litigiis, quærere non desistant cum gravissimo præjudicio supradictæ suæ Congregationis, qua attempta tam ampla extensione vacantibus ad officia, ob tantam multitudinem Religiosorum vacantium, necessario imperitos, incapaces, & indignos in Superiores eligere cogatur, prædictus vero Joannes Jacobus Procurator, & Commissarius Generalis deplorabilem memoratæ suæ Congregationis ruinam prævidens, ac vi officii sui impedire cupiens, prædictas quidem literas per nos confirmari, præterea, ne ullus in posterum sub quocumque colore, aut prætextu extensionem ad alia quæcumque sive per deputationem, sive per electionem, seu quocumque alio titulo venientia, ultra illa, quæ in literis hujusmodi exprimuntur, officia attentare, aut quomodolibet procurare præsumat, sub pœna privationis vocis activæ, & passivæ in perpetuum prohiberi, ac demum extensiones quascumque contra expressum earundem literarum tenorem jam factas annullari, dictasque literas ad primævam observantiam reduci plurimum desideret: Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignemur.

§. 5. Nos igitur ipsam Joannem Jacobum Procuratorem, & Commissarium Generalem specialibus favoribus, & gratis profecti volentes, & a quibusvis Excommunicationis, suspensionis, & Interdicti, aliisque Ecclesiasticis sententiis, censuris, & pœnis a jura, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, audita super præmissis relatione, per dilectum Filium Secretarium ejusdem Congregationis, una cum voto dilecti Filii nostri Josephi Renati ejusdem Sanctæ Romanæ Ecclesiæ Cardinalis Imperialis nuncupati prædicti Ordinis apud Nos, & Sedem Apostolicam Protectoris nobis facta, ac etiam motu, scientia, ac matura deliberatione similibus præinsertis Urbani Prædecessoris literas, tenore præsentium perpetuo confirmamus, & approbamus, illisque inviolabilis, & irrefragabilis Apostolica firmitatis robur adjicimus, ac alia officia præter illa, quæ in supradictis præinsertis literis exprimuntur, nullo modo vacantibus subjacere debere, quæcumque illa sint, sive per deputationem, sive per electionem, seu quocumque alio titulo venientia, exceptis tamen Definitoribus Provincialibus Provinciarum Italiae juxta Decretum prædictæ Congregationis Cardinalium Anno 1704. emanat. harum serie declaramus. Volentes, ut quæcumque derogatio harum nostrarum literarum in amplissima forma extendenda nullam vim, ac robur habeat, nisi in casu, quod ad petitionem Capituli Generalis obtenta fuerit.

Clausulæ.

§. 6. Decernentes easdem præsentibus, & præinsertis literas semper firmas, validas, & effectas existere, & fore, suosque plenarios, & integros effectus fortiri, & obtinere, ac ab om-

nibus, & singulis, quos illæ concernent quomodolibet in futurum ejusvis status, gradus, ordinis, & conditionis existant, inviolabiliter, & inconcussè observari, necnon de subreptionis, vel obreptionis, aut nullitatis vitio, seu intentionis nostræ, aut interesse habent. consensus, aliove quolibet quantumvis magno, & substantiali defectu notari, impugnari, infringi, retractari, aut in controversiam revocari, aut adversus illas quodcumque juris, facti, vel gratiæ remedium impetrari, seu etiam motu, scientia, & potestatis plenitudine paribus concessio, quæ in judicio, vel extra illud uti, seu se juvare posse: Sicque, & non aliter in præmissis per quoscumque Judices Ordinarios, & Delegatos etiam Causarum Palatii Apostolici Auditores, & S. R. E. Cardinales etiam de latere Legatos, & alios quoslibet quavis auctoritate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari. Non obstantibus præmissis, necnon omnibus, & singulis illis, quæ dictus Urbanus Prædecessor in suis literis præinsertis voluit non obstat, cæterisque contrariis quibuscumque. Cæterum pariter volumus, ut earundem præsentium literarum transumptis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXVII. Sept. MDCCXXVII. Pontificatus Nostri Anno IV.

Conceditur facultas Generali, & Definitorio Fratrum Discalceatorum Ordinis SS. Trinitatis Redempt. Capt., erigendi unam quasi de novo Provinciam Italiae ex Conventibus, qui in Italia reperiuntur, vel eorum aliquibus.

CLXI.

De erectione alterius Provinciae pro iisdem Fratribus vid. aliam Const. hujus ed. 1726. Aug. 14. P. 4.

BENEDICTUS PAPA XIII.

Dat. 30. Sept. 1727. Ann. 4.

Ad futuram rei memoriam.

§. 1. **A**lias felic. record. Clementi Papæ XI. Prædecessori Nostro pro parte tunc existentis Procuratoris Generalis Provinciae Italiae Fratrum Discalceatorum Sanctissimæ Trinitatis Redemptionis Captivorum exposito, quod cum alias tunc pariter existentes Fratres Discalceati trium Conventuum Italiae dicti Ordinis ob defectum Regularis observantiae, aliisque injustis, & rationabilibus de causis in Congregatione tunc existentium Sanctæ Romanæ Ecclesiæ Cardinalium negotiis, & Consultationibus Episcoporum, & Regularium præposita probatis, & justificatis, proprias obligationes nequaquam adimplere, minusque aliquot sive in spiritualibus, seu in temporalibus Religiosos progressus facere valuissent, seque proinde Congregationi Hispaniæ eorumdem Fratrum Discalceatorum uniri petissent, & successive Superiores dictæ Congregationis consensum suum unioni hujusmodi præstitissent, ac deinde iidem Fratres Discalceati Provinciae prædictæ supplicem libellum præmem. Innocentio Papæ XI. pariter Prædecessori Nostro pro ejusmodi unione obtinenda porrexissent, isque ab ipso Innocentio Prædecessore ad

Alias olim tres Conventus ab Innocentio XI. petiverunt Congregationi Hispaniæ uniri.

dictam Cardinalium Congregationem, & ab ista ad bo. mem. Alderanum ejusdem Sanctæ Romanæ Ecclesiæ Cardinalem Cybo nuncupatum dicti Ordinis dum vixit, apud eundem Innocentium Prædecessorem, & Sedem Apostolicam Protectorem remissus fuisset, dictus Alderanus Cardinalis, & Protector suum pro dicta unione votum iustis de causis cum eo relatis prædictæ Congregationi Cardinalium exhibuerat; necnon cum die 6. Maji 1690. causa in ipsa Cardinalium Congregatione propofita fuisset, dilato circa dictam unionem negotio, emanaverat ab eadem Congregatione Decretum, quo pro tunc ex tribus Conventibus prædictis constituta fuerat separatio supradicta, nempe Italiae Provincia, quorum Conventuum Religiosi sub obedientia Ministri Generalis dicti Ordinis juxta formam tamen in quibusdam rec. mem. Urbani Papæ VIII. itidem Prædecessoris Nostri Literis in simili forma Brevis die 12. Septembris 1629. expeditis præscriptam permanent.

Verum per Congregationis Episcopi & Regularium decretum ex tribus Conventibus eisdem constituta fuit separata Provincia Italiae.

A Clemente XI. postea prædicta Provincia Italiae dictæ Congregationi Hispaniæ unita.

§. 2. Et in eadem Expositione subjuncto, quod dicti Religiosi observantiam Constitutionum dictæ Congregationis in solemnibus eorum regulari professione expresse promiserant, adeoque eas observare tenebantur, illa vero ipsos ad subjectionem pro tempore similiter existentis Ministro Generali ejusdem Congregationis Hispaniæ omnino obligabant, ipsique proinde quo facilius vota sua Altissimo reddere, & propria Instituta Regularia adimplere valuissent, memoratæ unionis gratiam expectabant, idem Clemens Prædecessor de nonnullorum ex etiam tunc existentibus Venerabilibus Fratribus tunc suis dictæ Sanctæ Romanæ Ecclesiæ Cardinalibus super causa unionis hujusmodi dictæ scilicet Provinciae Italiae, omniumque ejus Religiosorum prædictæ Congregationi Hispaniæ inter dictum Procuratorem Generalem ex una, & alium Procuratorem Generalem dicti Ordinis ex altera Partibus controversa a prædicto Clemente Prædecessore specialiter deputatorum, qui utrumque Procuratorem Generalem tam ore, quam in scriptis informantes audiverant, negotioque mature perpenso, unionem prædictam fieri posse censuerant, consilio, prædictam Provinciam Italiae dictæ Congregationi Hispaniæ auctoritate Apostolica univit, annexit, & incorporavit, ac tunc, & pariter existenti Ministro Generali ejusdem Ordinis subjecit, & alias prout in prædictis memorati Clementis Prædecessoris literis desuper in simili forma Brevis die 20. Novembris 1705. expeditis, quarum tenorem præsentibus pro plene, & sufficienter expresso, & de verbo ad verbum inserto haberi volumus, uberius continetur.

Preces Procuratoris Generalis pro dicta Facultate obtinenda.

§. 3. Cum autem, sicut dilectus filius Michael a Sancto Josepho Commissarius pro Italia, & in Romana Curia Procurator Generalis Ordinis prædicti Nobis nuper exponi fecit, Superiores Generales ejusdem Congregationis laudabili zelo, multisque expensis plures alios Conventus superioribus annis intra Italiam ut pio Religiosissimæ Italiae Nationis desiderio satisfacerent, & in eadem Regione Institutum Redemptionis Captivorum promoverent, erigere curaverint, novosque Conventus hujusmodi ad paucitatem Religiosorum Italicorum per Hispanos Religiosos magna ex parte manutenere studuerint; ipse vero Michael Commissarius, & Procurator Generalis ad confirmationem, & meliorem formam dictorum Conventuum expediens, ac necessarium existimet, si Ministro, & Definitorio committatur, ut ex dictis tribus Conventibus, nempe Taurini, Liburni, & Falconii, & ex aliis, quos Religio habet Mediolani, Alexandriae, Pellesinae, Forolivi, Præneste, & Cotrone ex his omnibus, vel eorum aliquibus, prout dicti Minister Generalis, & Definitorium magis in Domino expedire judicaverint, una quasi de

novo Provincia erigatur, quæ tamen titulum Sancti Joannis de Matha, & antiquitatem a tempore suæ primævæ erectionis consevet, fruaturque, & gaudeat omnibus, & singulis gratis, præminentibus, indultis, & privilegiis, quibus aliæ similes Provinciae fruuntur, & gaudent. Nobis propterea supradictus Michael Commissarius, & Procurator Generalis humiliter supplicari fecit, ut in præmissis opportune providere, & alias ut infra indulgere de benignitate Apostolica dignemur.

§. 4. Nos igitur ipfius Michaelis Commissarii, & Procuratoris Generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine, quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, prædicto Ministro Generali una cum Definitorio ex antedictis tribus Conventibus Taurini, Liburni, & Falconii, unam quasi de novo Provinciam Italiae ex supra sex aliis specificatis Conventibus, vel ex eorum aliquibus cum titulo, & antiquitate primævæ suæ erectionis, ac gratis, præminentibus, indultis, & privilegiis supradictis erigendi plenam, & amplam facultatem, auctoritate Apostolica tenore præsentium concedimus, & impartimur, & quod sic in Italiae Provincia erecta in omnibus, & per omnia ad formam novissimarum Constitutionum per Nos confirmatarum pro Provincia Sancti Joachimi, aliisque Provinciis in posterum erigendis gubernetur. Præterea eo quia exiguus admodum est numerus Religiosorum Italicorum, ut in electionibus faciendis requisita a Constitutionibus generalibus Ordinis quoad graduationem ex Officiis provenientem præscripta, habita tamen ratione probitatis, & doctrinæ eligendorum minime serventur, ad sexennium dumtaxat auctoritate, & tenore prædictis indulgemus.

Concessio facultatis prædictæ.

§. 5. Non obstantibus præmissis, ac omnibus, & singulis illis, quæ idem Clemens Prædecessor in suis literis voluit non obitare, cæterisque contrariis quibuscumque.

Derogatoria.

§. 6. Volumus autem, ut præsentium literarum transumptis, seu exemplis, etiam impresis manu alicujus Notarii publici subscriptis & sigillo Personæ in Ecclesiastica dignitate constitutæ munitis, eadem prorsus fides ubique locorum, & gentium habeatur, tam in Judicio, quam extra illud, quæ haberetur ipsi præsentibus, si forent exhibitæ, vel ostensæ.

Datum Romæ apud S. Mariam Majorem sub Anno Piscatoris die XXX. Septembris MDCCXXVII. Pontificatus Nostri Anno IV.

Conceditur Ministro Generali Minorum Capucinarum facultas restituendi Discretos conventuales in Provinciis Hispaniarum.

CLXII.

Hac de re vid. Innoc. XII. Constitutionem ed. 1693. Mart. 29. P. 2. & aliam ed. 1693. Septemb. 12. P. 3. ubi dicti discreti abrogati fuerunt.

BENEDICTUS PAPA XIII.

Dat. 30. Sept. 1727. An. 4.

Ad futuram rei memoriam.

Dudum pro parte clar. mem. Caroli II., dum vixit Hispaniarum Regis Catholici, sel. rec. Innocentio Papæ XII. Prædecessori Nostro expofito, quod alias ad tollenda damna, & incommoda, quæ Fratres Provinciarum Regno-

Ab Innocentio XII. Discreti prædicti in Hispaniarum Provinciis abrogati fuerant.

rum